

1★ صدر جمہو ریہ، نائب صدر جمہو ریہ تے وزیر اعظم نے جلیاں والا باغ غا شہیدان نانہ خراج عقیدت پیش کیو ہے۔

2★ لیفٹنٹ گو رنر منوج سنہا نے کہیو ہے جے ہمنان دُشمن مُلک غی طرفوں لاحق خطرات غے پیش نظر مزید چوکنا رہن غی ضرورت ہے۔

3★ چیف سیکریٹری اتل دُلو نے کہیو ہے جے جموں کشمیر پھر مانہ اہم عوامی بنیا دی ترقی نانہ تیز کرن واسطے نبا رڈ غی رقومات تیں فائدو چایو۔

4★ تے جموں خطہ مانہ بساکھی غو رتہوار جو ش تے جذبہ سنگ منایو جا ریو ہے۔ لیفٹنٹ گو رنر تے وزیر اعلیٰ نے لوکاں نانہ بساکھی غی مہا رکبا دتی ہے۔

Prez/VP/PM- Jallian Wala Bagh

جلیاں آلا باغ مانہ شہید ہوا افراد نانہ صدر جمہو ریہ دروپدی مرمو، نائب صدر جگدیپ دھنکر تے وزیر اعظم نریندر مو دی نے اج خراج عقیدت پیش کیو ہے۔ ایکن سماجی میڈیا پوسٹ مانہ صدر مرمو نے 13 اپریل 1919 نانہ مجاہدین آزادی غی طرفوں دتی گئی قربانیاں نانہ یاد کرتاں واں کہیو ہے اُن غی قربانیاں نے مُلک غی آزادی واسطے جدوجہد نانہ مزید تقویت دتی تھی۔ نائب صدر جگدیپ دھنکر نے کہیو ہے جے جبر غا مقابلہ مانہ بہا دروہاں غی ہے مثال قربانیاں مہا ری آزادی غی جدو جہد غی تا ریخ مانہ نقش ایں۔ وزیر اعظم مو دی نے کہیو ہے جے آن آلی پیڑیں شہیدان غا انمول جذبہ نانہ ہمیشہ یا د رکھیں گی۔ اُنہاں نے اِس واقع نانہ مہا را مُلک غی تا ریخ غو سیاہ باب قرار دتو۔

LG Rajouri Visit

لیفٹنٹ گو رنر منوج سنہا نے اج راجو ری غو دورو کیو تے اے ایل جی راجو ری مانہ راجو ری تہاڑہ غی تقریبات مانہ شرکت کرتاں واں راجو ری آزادی واسطے 1948 مانہ شہید ہوا افراد نانہ خراج عقیدت پیش کیو۔ 1947-48 غی لڑائی غے دوران اپنی جاناں غی قربانی دین آلا مقامی بہا در جواناں غا کُنباں غا افراد غی ایل جی نے عزت افزائی کی۔ اِس موقع ور بولتاں واں ایل جی منوج سنہا نے کہیو ہے جے دشمن مُلک لگاتار دہشت گرد دہشت گرد بھیج ریو ہے، تے ہم سب اِس غے خلاف کھلا ہاں تے ہمنان دُشمن غی اس ماڑی چال غے تیئں مزید چوکنا رہن غی ضرورت ہے۔ ایل جی نے کہیو۔۔ بائٹ۔۔ یاد رہ جے جموں کشمیر غو رسمی طور رور الحاق بھارت نال 26 اکتوبر 1947 نانہ ہوؤ تھو تے پاکستانی رہنماواں نے سرحدی ضلع پونچھ تے راجو ری وراپنو قبضو

کرن غا سلسلہ مانہ فوجی تے قبائلی پٹھان فوج غو حملو ان ضلعان ور کر دتو تھو۔ اس موقع ور بکھ بکھ اسکولان غا بچان غی طرفوں ثقافتی پروگرام پیش کیا گیا۔ راجو ری غا بسنیکاں تے شراکت داران غو کہنو تھو۔۔بائٹ۔۔

CS-RIDF Meet

چیف سیکریٹری آتل ڈلو نے جموں کشمیر مانہ ضلعان غا بکھ بکھ سیکٹراں مانہ نبارڈ غا دیہی بنیا دی ڈھانچہ ترقیات فنڈ منصوبان ور چل رہا کم غی رفتار غا جائزہ خاطر اعلیٰ سطحی میٹنگ غی صدارت کی۔ چیف سیکریٹری نے زور پایو جے چل رہا کمان نانہ ویلے سر مکمل کریں تے منصوبہ مکمل سندان نانہ جمع کرایں تاکہ منصوبان واسطے مزید رقومات دتی جا سکیں۔ انہاں نے دیہی بنیا دی ڈھانچہ، آبپاشی، سڑک، منڈیاں تے مزید اہم عوامی بنیا دی ڈھانچہ نانہ بدھان واسطے سرمایہ کاری ور تبادلہ خیال وی کیو گیو۔

Arms Recovery

ضلع کشتواڑ غا چھاترو جنگلی علاقہ مانہ دہشت گردان نال جا ری تصادم آلی جگہ تیں سلامتی دستاں نے ہتھیار تے گولی برآمد کیو ہے۔ برآمد کیا ہتھیارن تے گولی سکا مانہ 1 اے کے رائفل، 1 ایم 4 رائفل، 40 راؤند تے وائریس سیٹ شامل این۔ یا د رہ جے چھاترو مانہ 9 اپریل نانہ شروع تصادم مانہ بھارتی فوج نے 3 پاکستانی دہشت گرد مار مکایا این تے گذشتہ دیر رات علاقہ مانہ فرگولی با ری غا تبادلہ غی خبر آئی ہے تے منیو جا رہیو ہے جے اس علاقہ مانہ مزید دہشت گرد چھپیا وا این۔

Foriegn Exchange

بھارت غا زر مبادلہ ذخائر مانہ 10 عشاریہ 8 بلین ڈالر غو اضافو ہوؤ ہے تے اس نال 4 اپریل نال ختم ہون آلا ہفتہ توڑی 6 سو 76 عشاریہ 2 بلین ڈالر پُج گیو ہے۔ غیر ملکی کرنسی غا آٹا ذخائر غو اک بڑو حصو 9 عشاریہ 7 بلین ڈالر تیں بدھ غے 5 سو 74 بلین ڈالر تیں زیا دہ ہو گیو ہے۔ سونہ غا ذخائر مانہ 1 عشاریہ 56 بلین ڈالر تیں زیا دہ غو اضافو ہوؤ ہے۔ جس غی کُل تعداد 79 عشاریہ 36 بلین ڈالر ہے۔

مزید خبران نال محمد اکرم چودھری۔ ور اُس تیں پہلاں یوہ پیغام۔(یہ خبر تم آکاشوانی جموں تیں سُن رہیا ہیں، تے یہ خبر مہاری ویب سائٹ نیوز آن آئیر ڈاٹ گوو ڈاٹ ان ور وی دستیاب ہیں، اس تیں یہ خبر مہاری موبائل ایپ تے ڈی ٹی ایچ ور (وی دستیاب ہیں

Jammu Baisakhi

بساکھی غو تہوار آج جموں کشمیر سمیت شمال بھارت غا دوجا حصار مانہ بھائی چا رہ تے بڑا جوش تے جذبہ سنگ منایو جا ریو ہے۔ بساکھی غی مذہبی اہمیت وی ہے کیونجے اس تہارے 1699 مانہ سکھ پنتھ غا دسواں گورو گورو گو بند سنگھ تے کھالسا غو قیام عمل مانہ آئیو تھو۔ جموں کشمیر غا لیفٹنٹ گو رنر منوج سنہا تے وزیر اعلیٰ عمر عبداللہ نے بساکھی غا موقع ور لوکاں نانہ مبارک باد پیش کی ہے۔ جموں میونسپل کا پوریشن، جموں سمارٹ سیٹی تے سیاحت ڈائریکٹوریٹ گائیدہ شتاک نال نواں تیار کیا سربا پتری توی ریو رفرنٹ ور بساکھی بڑا جذبہ تے ثقافتی آن بان تے شان نال منا رہی ہے۔ اس سلسلہ مانہ سربا پتری توی گھاٹ ور ڈیگرہ بجے اک خصوصی آرٹی تے روایتی چھنج غو انعقاد ہو ریو ہے۔

Udh Baisakhi Mela

ضلع اڈھم پور مانہ دیو کا نالا غے کنڈے 3 روزہ تاریخی دیو کا بساکھی میلو اج تیں بڑا جوش تے خروش نال شروع ہو گیو ہے۔ ڈپٹی کمشنر اڈھم پور سلونی رائے نے ڈی ڈی سی چئرمین لال چند، ایم ایل اے اڈھم پور ویسٹ پون کمار گپتا تے ضلع سطح غا افسراں غے ہمراہ اس میلہ غو رسمی طور افتتاح کیو۔ بکھ بکھ محکماں نے اس میلہ مانہ عام لوکاں غی جانکاری واسطے تھڑا لایا وا تھا، جن غو معائنو مہمان خصوصی غی طرفوں کیو گیو۔ اس موقع ور دیو کا احاطہ مانہ بوٹا لان غی مہم وی چلائی گئی۔ ات بولتاں واں ڈی سی اڈھم پور سلونی رائے تے ات آئی وی ایکن طالب علم کا شوی غو کہنو تھو۔ بائٹ۔

Poonch Baisakhi

جموں کشمیر غا دوجا حصار غی طرح پونچھ مانہ وی اج بساکھی غو تہوار مذہبی جوش و خروش تے چہل پہل نال منایو جا ریو ہے۔ اس دوران ہزاراں عقیدت منداں نے جموں کشمیر غا بکھ بکھ حصار غے نال نال دوجی ریاستاں توں سنت پورہ ڈیرہ ننگالی صاحب ور حاضری دتی۔ اس موقع ور گل کرتاں واں مہنت منجیت سنگھ نے کھالسا پنتھ غا 326 واں جنم تہارے ور لوکاں نانہ مبارک باد پیش کیں۔ عقیدت منداں نال خطاب مانہ ڈپٹی کمشنر پونچھ وکاس گنڈل نے کھالسا پنتھ غا منن آلاں نانہ خاص طور تے برادری نانہ عام طور ور دلی مبارکباد پیش کی۔ آکاشوانی نال گل کرتاں واں ضلع گردوارہ پرندق کمیٹی غا صدر نریندر سنگھ نے اس طرح کہیو۔ بائٹ۔ اسے دوران ضلع سانبہ تے ریاسی مانہ وی بساکھی غو تہوار مذہبی جوش و خروش نال منایو گیو۔ ریاسی ضلع مانہ بساکھی ور ڈیرہ بابا بندہ بہادر تاریخی مذہبی مقام ور 30 ہزار عقیدت منداں نے حاضری دتی۔ اس بارے آکاشوانی خبراں آلا شعبہ نال گل

کرتاں واں ممبر پا رلیمان جُگل کشور شرما نے اُت حاضری وی دتی نے اس طرح
دسیو۔۔ با ٹ۔۔

Padma Nomination

سرکا ر نے پدم ایوارڈ 2026 واسطے نامزدگیاں نانہ مدعو کیو ہے۔ تے اِن اعزازات غو
اعلان اگلے سال یوم جمہو ریہ غا موقع ور کیو جا ئے گو۔ نامزدگیاں غو سلسلو بیتے
مہینے 15 تا ریخ نانہ شروع کیو گیو تھو تے یوہ سلسلو 31 جولائی تک جا ری رہ گو۔
مہارا نامہ نگا ر نے خبر ٹوری ہے جے پدم ایوارڈز واسطے نامزدگیاں تے سفارشات راشٹریہ
پُر سکا ر پو رٹل ور صرف آن لائن ہی موصول کی جا ئیں گی۔
